

DISPOSITIO.

Pars secunda Libri nostri Concordiæ est August. Conf. cum Apologia. Quamvis vero singularum harum partium subdivisio sese palam prodat per Præfationes, ipsos Articulos & Epilogos; Melioris tamen doctrinæ & compendii causa ita Tractationem instituemus, ut

- I. Generalia ipsam compagem concernentia *methodo* à nobis suscepta exponamus.
- II. Ad specialia descendamus, singulosq; Artic. secundum ordinem ac *seriem* suam cum Apologia conferamus & exponamus.

SECTIO. I.

DE

GENERALIBUS EX PRÆFATIONIBUS ET EPILOGIS.

MEMBR. I.

quod

ANALYSIN PRÆFATIONUM
& Epilogorum exponit.



Doctrinæ melioris causa ad generalem hujus Confessionis nostri Symboli notitiam, quod A. C. dicitur, Augustanæ sequentia notari debent, prout in Præfationibus & Epilogis illa memorata sunt.

I. NOMINA. Dicitur enim I. Nomina.

Confessio Fidei p. 5. Concionatorum nostrorum & nostra Confessio p. 6. Nostra & nostrorum Confessio p. 7. Articuli Fidei præcipui p. 9. Summa doctrinæ apud nos p. 21. Præcipui Articuli, qui videntur habere controversiam p. 45. Recitatio eorum, quæ videbantur